

欽定古今圖書集成

方輿彙編職方典



欽定古今圖書集成方輿彙編職方典

第六百四十一卷目錄

建昌五衛部彙考一

建昌五衛建置沿革考

建昌五衛疆域考

有圖

形勝附

建昌五衛星野考

建昌五衛山川考

建昌五衛城池考

建昌五衛關梁考

古今圖書集成
建昌五衛公署考

建昌五衛學校考

建昌五衛賦役考

建昌五衛風俗考

建昌五衛祠廟考

寺觀附

職方典第六百四十一卷

建昌五衛部彙考一

建昌五衛建置沿革考

總志

五衛總

禹貢梁州之境本西南彝邛都地漢武帝置越
嶲郡領邛都等縣晉徙郡治會無縣宋因之齊
名獫狁後周置嚴州隋改西寧州後復爲嶲州
治越嶲縣大業初改越嶲郡至德初沒于吐番
貞元中收復太和中徙治臺登縣懿宗時爲蒙

詔所據改此城名建昌府以烏白二蠻實之元至元間置建昌路又立羅羅斯宣慰司以統之隸四川行省尋改隸雲南行省明洪武中罷宣慰司置建昌衛隸四川都司改建昌路爲府隸四川布政司後廢府改建昌衛爲軍民指揮使司尋置行都司領衛六千戶所十一

皇清改軍爲民凡衛所俱設武職流官軍戶皆爲民戶今行都司改設總鎮府至建昌等衛各改設守備禮州等千戶所各改設千總俱屬建昌監

理廳管轄

建昌衛

漢越嶲郡地明置軍民指揮使司領守禦禮州德昌打冲河四千戶所昌州威龍普濟三長官司

皇清改設建昌衛守備一守禦禮州所千總一守禦打冲河中前千總一守禦德昌千總一守禦左所千總一守禦右所千總一其建昌前衛今裁會川衛

漢越嶲會無縣地晉宋仍之齊屬獫狁郡後周屬亮善郡隋屬嶺州唐爲會川縣南詔置會川都督府宋屬大理爲會川府元爲會川路隸羅羅司明爲軍民指揮使司領守禦迷易千戶所
皇清改設守備一守禦迷易所千總一守禦左所千總一守禦右所千總一

鹽井衛

漢定祚縣晉仍之齊屬獫狁縣唐置昆明縣屬嶺州南詔爲香城郡宋爲賀頭甸部屬大理國元

爲落蘭部至元中于黑白鹽井置柏興府閩鹽縣隸羅羅斯宣慰司明初改柏興千戶所隸建昌後爲鹽井衛軍民指揮使司領守禦打冲河千戶所馬喇長官司
皇清改設守備一守禦中左所千總一守禦左所千總一

寧番衛

漢邛都國地隋屬嶺州唐因之蒙氏隸建昌府元爲蘇州屬建昌路明初因之洪武二十三年

立蘇州衛二十七年改寧番衛領守禦冕山橋
千戶所

皇清改設守備一守禦冕山所千總一守禦中所千

總一


越嶲衛

漢為越嶲郡邛都闡縣地後周置邛部縣隋罷
郡以縣屬嶲州唐因之蒙氏為建昌府所屬邛
部川元中統間立邛部川安撫招討使至元中
改為邛部州隸建昌路明初因之洪武中改為


邛部軍民州尋廢州始置越嶲衛軍民指揮使
司領邛部長官司

皇清改設守備一守禦鎮西所千總一守禦左所千


總一



長河西宣慰司界



東川府界



保羅關界

永北府界

武定府界

建昌衛疆域考

總志

五衛總

東至烏蒙府界五百里

西至常郎堡生吐蕃界五十里

南至雲南武定府界七百八十里

北至寧蕃衛界一百四十里過界抵寧蕃衛一

百九十里又至越嶲衛三百八十里又至鹽井

衛二百里又至會川衛五十里

至省城一千四百八十里至

京師一萬一千五百里

東西廣一千六百七十里南北袤一千三百里
形勝附

五衛總

曼嶂週圍百蠻環繞東距烏蒙西控吐蕃南帶
金沙北連黎雅玉虛金沙會川標其勝瀘河相
嶺越嶲著其雄鐵石打冲鹽井之勢險也瀘沽
九盤寧蕃之扼要也建昌峙其中則又以四衛
之形勝為形勝也誠為三巴鎖鑰六詔咽喉蜀

邊重要之地

建昌志山清水秀土廣人稀田地膏腴市井荒
陋有青草黃茅之瘴

又云邊陲形勝之地

會川志金沙環遶於東南玉虛鎮拱於西北
鹽井志南有柏林之聳翠北有龍潭之盤迴

寧蕃志東枕長河西接吐蕃南接建昌北鄰邊
隘

越嶲志東望岷峩西接吐蕃

建昌五衛星野考
五衛總
天文參星入觜三度

總志

建昌五衛星野考
五衛總
天文參星入觜三度

建昌五衛山川考

總志五衛總志合載

建昌衛

呂金坡山 在治西四里昔土酋呂金居此

瀘山 在治南二十五里山頂有青牛宮青羊

宮玉皇閣王母殿三教殿山腰有大佛寺係七

佛道場明建文時勅封爲光福寺天光水色綠

樹烟雲古柏蒼松鳥啼花放四時掩映柏樹下

有仙脚石跋巍然建治偉觀

天王山 在治西一十五里上有天王廟按越

嶺衛亦載此山

青山 在治北三十里上有松林四時青翠因名

螺髻山 在治東二百里山勢高聳盤曲狀如螺髻

鹿角山 在治東一百一十里山峯尖削狀如鹿角

涼山 在治東一百三十五里羣峯嵯峨四時多寒

落腰山 在治南六百二十里

木托長山 在治東二十里山外有營汛居民

東河 在城外源出涼山畔沾地入西寧河合

金沙江

安寧河 在治西十五里崑山外源出寧蕃衛

蘇州入打冲河合金沙江

寧遠河 在寧遠門外源自青山麓流出西南

合瀘水入金沙江

懷遠河 在大通門外源出東北山麓經城南

合瀘水入金沙河

瀘水 在治南一十里源自吐蕃南入金沙江

元史云其水深廣而多瘴鮮有行者春夏常熱

可燻雞豚

熱水池 在治北七十里池水常熱流入越溪

河合瀘水接金沙江

邛池 建昌衛治南瀘山脚下文昌帝君六十

五化之遺跡有詩云恃勢凌人不可為無辜母

子被誅夷含冤入地痛極矣不共戴天良以之

諸呂後身同一邑雙親乞命時在斯海波平陷

四十里還我當年受百罹

海子 在治東一十五里

倪家井 在城南其水清甘居民日汲不竭

瀑布井 在南三十里自山頂流下狀如白練

會川衛

玉虛沙山 在治西北四十里其山高聳中有

白沙

土白山 在治東南三十里土產石綠有二色

萬砧山 在治東南八里土產石青有四色今
洞口坍塌荒翳難尋

彌勒獅子山 在治東二百里出二銀廠

海溪山 在治南一百二十里附黎溪站出白

銅

分水嶺 在治北一百里出紅銅廠內夾銀星

金沙江 在治西南二百五十里源出吐蕃東

流合瀘水至黎溪接馬湖其江有嵐瘴隆冬人
過之雖袒裼皆流汗唯雨中及夜渡無苦夾岸

石縫中沙土黃色因名

荷花池 在治西一百六十里池產芰荷按總

志在黎溪驛北

懸泉 在治東泉色稍黑灌溉山田民獲其利
常以仲春土人皆祀之

勝功井 在治西北五里水自石竇中出四時

不涸

鹽井衛

柏林山 在治南一十里多產松柏山神有祀

鐵石山 在治西北七十里有磐石燒之成鐵
為劍戟極剛利

白耳山 在治西一百里山下有白耳村

越溪河 在治東二百里源出涼山入打冲河

合金沙江

雙橋河 在治西五里源出涼山入打冲河合

金沙江

打冲河 在守禦千戶所治西蠻名黑水江又
名納彝江源出吐蕃流合金沙河

龍潭 在治北五里水從地湧出方圓四丈四
時清潔相傳有龍潛其中

海子 在治西二百九十里

寧蕃衛

南山 在治南五里

北山 在治北二里

東山 在治東四里

白土山 在治南四十里出白土

冕山 在冕山橋千戶所東三里其山高聳狀

如冠冕

南河 在治南二里源出西蕃彝地東流會長河入金沙江

瀘沽河 在治南八十里源出凉山小相公嶺

由桐槽河流入金沙江按會川衛亦載此河

長河 在治東三里源出彝地蘇州架州窩卜

會瀘沽入金沙江

溫泉 在治東一百四十里常帶溫暖可以療疾

越嶲衛

孤山 有二一在治南五里名小孤山一在治

南二十五里名大孤山

阿露山 在治西五十里即雪山積雪盛夏不消

金馬山 在治南十里文昌帝君生此

天王山 在治北五里

石巖洞 在治北三十里中可容十數人

小相公嶺 在治南五十里形勢高聳石磴崎

峴為野彝出掠之處到今每月逢六撥兵送商客方得往來

大渡河 在治北二百二十里即瀘水源出吐

蕃下流與馬湖府江合西南烟瘴惟此為甚

魚洞河 有二一在治北二十五里源出吐蕃

流合裸羅河一在治南十里源出金馬山名湧

泉源出東河又云源出羅羅河入大渡河其中

常出魚漢志邛部河中有魚長一二丈頭特大

遙視如戴鐵釜

裸羅河 在治南二十三里夏秋泛漲波濤洶

湧難渡冬春消涸如履平地又云其河有二源

出吐蕃東流與大渡河合

東河 在治東二里源出涼山彝地襟帶衛城

流合裸羅河

溫泉 在治東二十里水溫浴之可療疾病

建昌五衛城池考

總志五衛志合載

建昌衛城池 石城明洪武二十四年築宣德

二年地震搖圯復修補完固周圍九里三分高

三丈門四曰安定建平大通寧遠

會川衛城池 明洪武初年築土城指揮李毅

用石包之周圍五里三分高二丈三尺門四壕

闊一丈

鹽井衛城池 明洪武初年築土城二十五年

指揮李華用石包砌周圍四里三分高一丈八

尺門四曰崇仁正義廣禮順智

寧蕃衛城池 明洪武中築土城永樂初指揮

李信包石周圍六里四分高二丈門四曰寅賓

平彝寧遠鎮安壕闊二丈

越嶲衛城池 明洪武初年築土城指揮李毅

用石包之周圍四里三分高一丈二尺門四嘉

靖四年兵備道胡東臯重修壕闊三丈

建昌衛守禦禮州所 土城周一里三分

建昌衛守禦德昌所 土城周三里

寧蕃衛守禦冕山所 土城傾圮今改移桐槽

隘口新築土城

建昌五衛關梁考

總志五衛志合載

建昌衛

石門關 在治東五十里入東彝寨

羅鎖關 在治西南六十里

懷遠橋 在治南三里

瀘川橋 在治西十里

龍溪橋 在治北八十里

龍溪索橋 在治東四百里

祿馬橋 在治南六十里

南門橋 在治南門外市井通衢之梁

皇清康熙二十五年建昌鎮總兵王進才重修

寧遠橋 在治西一里

皇清康熙二十五年建昌鎮總兵王進才重修

海門橋 在治南十里邛池水口界

窑山橋 在治西南十里

澮川衛

永昌關 在治西三十里

迷郎關 在治南六十里

大龍關 在治西六十里

甸沙關 在治北一百七十里

松平關 在治南一百八十里

鎮安橋 在治北二十里

鹽井衛

雙橋關 在治東八十里

古得關 在治西二百八十里

崇仁關 在治東五里

寧蕃衛

沙沱關 在治東一百七十里

羅羅關 在治東一百七十里

北山關 在治北二十里

烏角關 在治南五十里

九盤關 在治西南五十里

相嶺關 在治東一百九十里

南門城河木橋 在南門外

瀘沽石橋 在治南八十里

太平木橋 在治東南九十五里又云在治東

一百二十里

越嶠衛

喇伯關 在治西北二十五里

小相公關 在治西南四十里今名小哨仍盤

詰

炒米關 在治南二十里

青岡關 在治北三十里

海棠關 在治北一百二十里

曬經關 在治北一百九十里

頂山橋 在治南十里

梅子嶺橋 在治北六十里

深溝橋 在治北一百五十里

太平橋 在治北一百七十里

白馬橋 在治北一百八十里

建昌五衛公署考 總志五衛志合載

建昌衛治 舊治廢今改守備廳

建昌前衛 在建昌併入本衛今裁

建昌守禦中前所千總署 昔在祿馬站廢今

移建昌衛東門外

德昌守禦千總署 所城東門內千戶所改

禮州守禦千總署 所城東門內千戶所改

附城左所千總署 廢

打冲河中前千總署 廢

稅課司 河泊所 俱廢

瀘州遞運所 在治南

麻刺巡檢司 在治南一百八十里

瀘沽巡檢司 在治北一百二十里

龍溪巡檢司 在治南八十里今裁

昌州長官司 在治南二十里

普濟長官司 在治北四十里

威龍長官司 在治東四百二十里

瀘川驛 在治東

龍溪驛 在治北八十里

瀘沽驛 在治北一百八十里

祿馬驛 在治北一百里

阿用馬驛 在治南三百里

白水馬驛 在治南二百里

陰陽學 醫學 俱在治內

布政分司 按察分司 俱在治左

建昌道署 在治南門內

監理廳署 在治東門內

建昌鎮署 在治北門內

鎮標中營遊擊署 在治南門內

鎮標左營遊擊署 在治南門內

鎮標右營遊擊署 在治東門內

鎮標中營守備署 在治南門內

鎮標左營守備署 在治南門內

鎮標右營守備署 在治東門內

宣慰土司 在治東門外

會川衛治 在南門內今改守備廳

迷易守禦千總署 在治北八十里千戶所改

塔甲渡巡檢司 在治東南二百里

會川衛驛 在治北

大龍驛 在治北六十里

馬松驛 在治北四十里

腰驛 在治南七十里

黎溪驛 在治南一百四十里

陰陽學 醫學 俱廢

會川營遊擊署 在北門內

會川營守備署 在東門內

鹽井衛治 在西門內建昌治北二百里即古

柏興州今改守備廳

守禦打冲河中左所千總署 在河西街

黑鹽井鹽課司 燬

鹽井遞運所 在治東一里

平川遞運所 在治東一百里

河口遞運所 在治東一百六十里

沙平遞運所 在治東二百五十里

馬喇長官司 在治南三百里

鹽井衛驛 在治內

平川驛 在治東一百里

河口驛 在治東一百六十里

沙河驛 在治東一百二十里

陰陽學 醫學 俱在治內

會鹽營守備署 在東門內

寧蕃衛治 在西門內今改守備廳

蘇州驛 燬

龍溪馬驛 燬

冕山營遊擊署 駐桐槽隘

冕山營守備署 駐桐槽隘

守禦冕山所千總署 今改移駐桐槽隘

越嶲衛治 在東門內右邛部舊址今改守備

廳

邛部長官司 在治東

龍泉驛 在治南十五里

利濟驛 在治北三十里

鎮西驛 在治北二百三十里

河南驛 在治北二百八十里

越嶲營守備署 在南門內

寧越營守備署 在治北一百里海棠堡

鎮西所千總署 新設

左所千總署 新設

建昌五衛學校考

五衛總志

建昌衛儒學 在發蒙寺左地震搖傾繼遷建

建昌道署右兵變攤燬過半

皇清康熙二十五年署建昌通判韓文璟捐資重修

會川衛儒學 在治西北明洪武二十五年建

歷久傾圮

皇清康熙二十三年官紳士捐助重修

鹽井衛儒學 在治南後移治東兵燹後傾圮

皇清康熙二十三年重修

寧蕃衛儒學 在治西北流寇拆燬片瓦不存
皇清康熙二十三年衛守備冀之璧同紳衿捐資重修

越舊衛儒學 在治南兵亂燬廢

建昌五衛賦役考

五衛總志

五衛總

實在民戶共七千三百三十九戶男婦共一萬四千六百七十八口

實熟民屯本折秋田共四百五十頃九十二畝一分三釐五毫一絲四忽見載糧一萬一千六十六石四斗六升九合一抄八撮四圭應徵折色銀五百七十八兩九錢七分五釐二毫七絲三忽二微七纖四塵本色京斗米豆共八千三

十七石八斗一升一合一勺八抄七撮一粒三粟

建昌衛

康熙六年清丈後本折屯秋田共二百七十五頃四十八畝二分五釐一毫三絲四忽

實徵本色屯秋京斗糧米四千九百七十五石二斗七升四合五勺四抄三撮三圭二粒五粟實徵折色銀三百八十八兩二錢二分八釐五絲九忽六微一纖遇閏加徵銀四兩七錢九分

一釐六毫六絲六忽六微七塵

邛池魚課銀三十兩

會川衛

康熙六年清丈後屯秋田共五十三頃四十四畝九釐九毫四忽

實徵本色屯秋京斗糧米一千一百六十石四斗三升三合八勺一抄七撮二圭六粒九粟實徵折色銀二百四兩九錢九分一釐二毫一忽九微八纖遇閏加徵一兩七錢七分九釐一

毫六絲六忽六微六纖八塵

鹽井衛

康熙六年清丈後附城屯蕎糧旱地三頃八十七畝一分每蕎一石折徵米五斗

實徵京斗米三十九石一斗四升九合九勺九抄九撮八圭九粒六粟

瀘州屯中左所屯田三十二頃一十六畝四分三釐六毫三絲

實徵本色京斗糧米七百一石七斗六升七合

九勺九抄九撮九圭九粟遇閏加徵銀六錢七分八毫三絲三忽三微三纖四塵

白鹽井鹽課每年實徵銀三百六十九兩六錢遇閏加徵銀三十三兩六錢

寧蕃衛

康熙六年清丈屯秋田共三十頃二十四畝七分六釐七毫一絲九忽五微

實徵本色屯秋京斗糧米六百五十九石九斗五升四勺遇閏加徵銀六錢七分八毫三絲三

忽三微三纖四塵

越嶠衛

康熙六年清丈後屯秋田共四十五頃二十一
畝九釐六毫八絲八忽
實徵本色屯秋京斗糧米七百一十三石八斗
五升七合四勺二撮八圭一粒九粟遇閏加徵
銀二兩一錢八釐三毫三絲三忽三微三纖四
塵

建昌五衛風俗考

五衛總志

五衛總

建昌五衛漢彝雜處彝類百種其風俗與漢迥
別也在漢俗厚民醇重儒敬佛敦習詩書業農
務本布衣蔬食不事聲容惜邊地荒僻未免鄙
陋耳若彝俗椎髻披髮男女混處近水依山巖
居板舍披氍赤足飲食蟲鼠出帶刀弩剛戾好
殺並不可以言風俗也

焚人重儒敬佛相見之禮長跪不拜所為多有

西蜀風

金珠富產穀粟豐盈民足衣食牛羊鹽馬氍布
通商殖貨

男女摘鬚髡髮佩刀喜鬪婦人裙不過胯乘馬
則併坐橫足

酋長死無子則妻女繼之

不識醫藥有疾惟用女巫號大溪波以雞骨占
吉凶酋長事無巨細皆決之

建昌衛

善造堅甲利刃弩置毒其末沾血立死

舊志彝有五種摩些白彝西番吐番鹿鹿

生性剛悍

會川衛

民有三種

寧蕃衛

氣候不齊刻木爲信

越巂衛

竹籬板舍不事修飾

鹽井衛未載

建昌五衛祠廟考 五衛總志

建昌衛

風雲雷雨山川壇 在治南

社稷壇 在治西

厲壇 在治北

關帝廟 在治西南

城隍廟 在治西門內

旗纛廟 在治內

東嶽祠 在治東門內

文昌祠 在治南門外

會川衛

風雲雷雨山川壇 在治南

社稷壇 在治西

厲壇 在治北

關帝廟 在治西南

城隍廟 在治西北

旗纛廟 在治內

鹽井衛

風雲雷雨山川壇 在治南

社稷壇 在治西

厲壇 在治北

關帝廟 在治北門內

城隍廟 在治東門內

旗纛廟 在治內

東嶽廟 在治南門內

寧蕃衛

風雲雷雨山川壇 在治南

社稷壇 在治西

厲壇 在治北

關帝廟 在治北

城隍廟 在治東南

旗纛廟 在治東

越嶲衛

風雲雷雨山川壇 在治南

社稷壇 在治北

厲壇 在治北

關帝廟 在治北門內

城隍廟 在治北門內

旗纛廟 在治內

天王廟 在治北五里

文昌祠 在治東門內

寺觀附

建昌衛

光福寺 在治南舊名瀘山寺

景淨寺 在治西北

三清觀 在治南門內

隱溪庵 按明一統志在治南十五里

靈應庵 按明一統志在治東南三十里一庵

俱元建

會川衛

勝功寺 在治北

西來寺 在治西

迎恩寺 在治北

東山寺 在治東

鹽井衛

華嚴寺 在治內

寧蕃衛

圓通寺 在治東北

東山寺 在治東

元真觀 在治東

崇真觀 在治內

越嶲衛

聖壽寺 在治南

報恩寺 在治北

圓通寺 在治西南

龍泉寺 在治海棠堡

魯班寺 在治河南站

瀘江寺 在治大渡河岸邊

真武觀 在治南

欽定古今圖書集成方輿彙編職方典

第六百四十二卷目錄

建昌五衛部彙考二

建昌五衛驛遞考

建昌五衛兵制考

建昌五衛物產考

建昌五衛古蹟考

建昌五衛部藝文

修復越嶲東路記

明余承勛

重修越雋衛城記

安磐

直陳建南地勢以便防禦

鄧思啓

乞查邊額以壯藩籬

前人

沿邊險隘宜修以保金湯

前人

通彝法禁宜嚴以杜邊釁

前人

土官乘機宜議以救邊民

前人

將領宜加激勵以便駕馭

前人

瘴癘宜加體恤以造邊福

前人

邊儲吃緊宜籌以實軍需

前人

邊地器械宜精以裨實用

前人

總鎮標兵宜撤以省議論

前人

建昌五衛部紀事

建昌五衛部雜錄

建昌五衛部彙考二

建昌五衛部彙考二

建昌五衛部彙考二

建昌五衛部彙考二

前

前

職方典第六百四十二卷

建昌五衛部彙考二

建昌五衛驛遞考

總志五衛志合載

建昌衛

古設今廢

溪龍驛

古設今廢

瀘川驛

古設今廢

祿馬驛

古設今廢

阿用驛

古設今廢

白水驛

古設今廢

瀘川遞運所 在治南

會川衛

會川衛驛 古設今廢

火龍驛 古設今廢

巴松驛 古設今廢

黎溪驛 古設今廢

腰驛

鹽井衛

鹽井衛驛 古設今廢

平川驛 古設今廢

河口驛 古設今廢

沙河驛 古設今廢

寧蕃衛

蘇州驛 古設今廢

龍溪驛 古設今廢

瀘沽驛 古設今廢

越嶲衛

龍泉驛 古設今廢

利濟驛 古設今廢

臘梅驛 新設奉裁

鎮西驛 古設今廢

審廠驛 新設奉裁

河南驛 古設今廢

建昌五衛兵制考

總志

建昌鎮總兵官一員 鎮標中軍管中營遊擊一

員 中軍守備一員 左營遊擊一員 中軍守備一

員 右營遊擊一員 中軍守備一員

冕山營遊擊一員 中軍守備一員

會川營遊擊一員 中軍守備一員

寧越營守備一員

越嶲營守備一員

會鹽營守備一員

建昌衛守備一員守禦禮州所千總一員守禦
 打冲河中前所千總一員守禦德昌所千總一
 員守禦左所千總一員守禦右所千總一員守
 禦前所千總一員
 會川衛守備一員守禦迷易所千總一員守禦
 左所千總一員守禦右所千總一員
 鹽井衛守備一員守禦中左所千總一員守禦
 左所千總一員
 寧蕃衛守備一員守禦冕山所千總一員守禦

中所千總一員

越嶲衛守備一員守禦鎮西所千總一員守禦
 左所千總一員

按衛志建昌鎮總兵官一員中軍管中營遊擊
 一員左營遊擊一員右營遊擊一員中軍中營
 守備一員左營中軍守備一員右營中軍守備
 一員中營千總二員左營千總二員右營千總
 二員中營把總四員左營把總四員右營把總
 四員馬步戰守兵二千名

會川營遊擊一員中軍守備一員千總二員把
總二員馬步戰守兵五百名

會鹽營守備一員把總一員馬步戰守兵二百
五十名

冕山營遊擊一員中軍守備一員千總二員把
總四員馬步戰守兵五百名

越嶲營守備一員把總一員馬步戰守兵二百
五十名

寧越營守備一員千總一員把總二員馬步戰

守兵二百五十名

以上各營俱隸建昌鎮轄

建昌五衛物產考

五衛總志

會川衛

石青

石綠

銀

白銅

鹽井衛

鐵

鹽

圓根

青稞

寧蕃衛

白銅

越嶲衛

空青石 石內有汁如鷄子青可療目疾

不朽木 出海棠堡火燬不化土人取為燈心

既燼不灰或曰火浣布即此物織成也

建昌衛未載

建昌五衛古蹟考

五衛總志

建昌衛

德昌舊府 在治南一百八十步按明一統志

在德昌守禦千戶所南本漢邛都縣地南詔號

屈部元置德昌路軍民府本朝改德昌府洪武

二十五年廢

德州舊址 瀘水西五十里按明一統志廢德

州在都司城西二十五里漢越嶲郡蘇示縣地

南詔時名吾越甸元初置德州屬德昌路本朝

初因之後廢

永寧舊州 治東一里按明一統志在都司城

東古偏城也唐時南詔立建昌郡領建安永寧

二州元至元中分建昌為二州在城曰建安東

郭曰永寧俱屬建昌路本朝初因之後廢

武侯城 在治南三十里按明一統志在都司

城南三十里瀘水東蜀漢諸葛武侯所築所謂

五月渡瀘即此處

孟獲城 治東二里按明一統志在都司城東

二里蜀漢時孟獲所築即諸葛亮擒獲之地

善往城 按明一統志在城東南二十里

舊城堡 去治北二十五里武侯征蠻時所築

龍洞 在舊普濟州東五里

廢瀘沽縣 在治北一百十里本漢越嶲郡臺

登縣晉宋因之後周置沙郡隋廢以縣屬嶺州

唐隸登州後陷於蒙詔號落蘭部元至元中置

瀘沽縣屬禮州明初因之後廢按明一統志在

都司城北一百二十里

廢北社縣 去司治東二百里元為北社縣屬
建昌路明初因之後改碧社縣按明一統志在
都司城東三百里

廢中縣 在治東四百里元時東門蠻沙麻布
地及至元間建中州後降縣屬蘇州隸建昌路
明初因之後廢

舊瀘州 按明一統志在司城西南二十五里
本唐雋州沙野城蠻名沙城驗後蠻酋於城北
新築一城曰洩籠屬建昌元置瀘州明初因之

後廢

廢里州 按明一統志在都司城東三百里漢
為越嶲郡境唐屬雋州蒙詔時落蘭部裔阿都
居此號阿都部元至元中置軍民總管府後改
里州明初因之後廢

廢闊州 按明一統志在都司城東南四百里
本密納甸烏蒙所居有各科者因為部號後訛
曰闊元至元中置闊州隸建昌明初因之後廢
會川衛

黎溪舊州 在治南一百五十里唐時蒙閣羅
圓徙白蠻戍黎溪後為羅羅蠻所據宋時屬大
理元始置此州會川路治此明初因之後廢按
明一統志是閣羅鳳

舊龍州 在治北一十里

武安舊州 在治南十里按明一統志本名龍
泥城唐時南詔於此立清寧郡宋時大理高凌
據此元置為州會川路治此明初因之後廢
通安舊州 在治東南一百二十五里

會理舊州 在治東二百里按明一統志在衛
城東南蠻名昔陀南詔屬會川節度元置會理
州屬會川路

舊安州 在治東一百八十里

會固舊府 即舊會川千戶所

永昌舊州 在治西五里漢會無縣地南詔置
會同府大理曰會川元置永昌州屬會川路明
初因之後廢

麻龍舊州 在治東五十里地名棹羅能元置

管千戶所屬會川路尋立爲州屬閔畔部

黃土古城 在治北城外遺址尙存

鹽井衛

廢金縣 在治西十里乃越嶲郡北境蠻名利

竇揭勒所居元至元間置金州後改爲縣屬柏興府以縣境斛棘和出金故名

廢柏興府 按明一統志在鹽井衛元以普樂

閏鹽二州省爲閏鹽縣立柏興府明省入衛

越嶲衛

文昌聖蹟 在金馬山下神實越嶲人有親書

湧泉月明數大字於石今存

相嶺碑 在治南七十里相嶺頂有碑上勒今

日山頭四大字

劉縱碑 在治北五里天王山明總兵劉縱立

舊邛州部 在治北二十里今名古城

石洞瓊鐘 在治南五十里洞傍有石擊之如

鐘聲故名唐龜壺仙修煉處有詩

曬經石 在治北二百里曬經關旁有大石相

傳唐僧三藏曬經其上碑云一片曬經石云是
唐僧畱有人能說法應知石點頭

聖泉 在治北一百八十里河南站後山雲嵩
寺漢諸葛孔明南征軍士飲啞泉不能言子孟節
指此水飲之得解

建昌五衛部藝文

修復越嶲東路記

明余承勛

越嶲當西南彝孔道自漢武鑿雲山橋之水以通邛
笮厥後孔明渡瀘南征隋史萬歲由石門以通南詔
唐韋臯置清溪關以和羣蠻所出雖異而石門清溪
則今黎嶠扼塞皆謂之南征道也然關梁徙治邊計
益嚴故遠人涉險阻犯瘴癘穿番落一綫而路焉鮮
弗難且病矣嘉靖己亥冬憲使富公好禮按部黎嶠
間備豫之暇察山川險彝寒暑之災祥凡可幹利害

綏遠人者咸經理之弗遺乃謂大渡河古瀘水也孔明常五月渡瀘維其時炎濤噴霧禽獸避匿雖軍書驛騎交馳於津埃間亦必俟暑退瘴消而後敢渡河通走集焉相公嶺亦號自孔明鳥道盤空雪霏晝暝俯其中黯青驚湍諸番每乘以爲亂故非哨期以群百數十人弗敢過也嗚呼天塹鬼關動遭不測議邊者顧弗思以處之何耶於是乎請於當路中丞李公欽侍御董公珊曰國初景川侯曹震來略蜀謂是古驛道以通越嶲蓋利其風候宜人番酋嚮順履坦而

道里捷耳今廢道之陳跡俱在盍圖而治復之僉曰察邊土利害而趨避之善籌邊者也富公乃命寧越指揮丁鰲者率諸邊士自嶺西之首塗隨山刊木緣獾狽之境而東之則斬關有遺戍絕谿有遺梁標界而編織種落有遺跡約費省勞故不數月而遂達於峩峩之麓而通達矣後復程遠邇經度宿衛而嚴夫善後計焉凡爲戍堡六曰小菩薩曰黑麻溝曰一碗水曰板房曰金口爲公館四曰舒快曰老木坪曰獾狽曰射箭坪堡館間置連絡二百餘里每堡徒越嶺

衛軍十人每館設馬五匹箭坪則編峩峩民夫五十人獾狃則土民五十人舒快木坪則各越嶲軍二十五人仍各置一人總領之以防守焉若兵械戍饗供帳什器之類所在靡弗備設有警則聲援相望遠害而蒙近利焉故人樂趨之至大渡河故道弗敢閉亦弗敢失守若古黎之南北二路惟遠人審趨避焉爾或曰天設之險人謀恐未足以勝之是路也乃謂審利害而趨避焉果天邪人邪不然籌邊之計創始難克復亦弗易苟易爲力而且利焉若臯之治復石門

道者天實相之患後之人畏難無所于述焉耳是故天寶中李白作蜀道難篇以刺嚴武寓天險也陸暢更作蜀道易以美韋臯寓人謀也求之乎美刺之實則蜀道之難易在人弗在天也人謀弗可以勝天險已乎富公則臯之儔也經略西南疏逃不閉治道乃其一端爾故樂爲記之以俟議邊者

重修越嶲衛城記

安磐

嘉靖三年秋九月城越嶲越嶲古邛都地也自漢迄元割據升降沿革代異入國朝爲邛部州州尋廢始

置越雋衛去京師萬餘里實惟荒服邛笮羌獫交錯左右既隘且僻惟孤惟危衛故有城積歲莫理狐兔穴居犬豕可越百餘年來雖彝人懷畏竄伏不敢斬羶以警擊柝而訛聞虛駭亦往往急矣按察副使姚江胡子東臯汝登奉天子命來整其旅周視久之乃語諸屬曰築城教滕城惡病莒在先民已然茲惟陋甚假令諸彝不逞卒至而門焉禦暴集潰其何以支吾經武於是如吾室而垣缺吾何以一夕安乃語諸千戶曰黃廷自南而東者汝城之曰李芳自西而南

者汝城之曰曹泰自東而北者汝城之曰陶綦自北而西者汝城之乃語指揮曹君元曰凡而器用財具唯汝出入凡卒徒之在役凡庶官之董率茲卒徒者唯汝申儆而程督之別遣千戶高輔城鎮西之海棠總之以都指揮徐君銳元輩承胡子之意乃度乃慮乃勵乃虔伐石於山取磚於陶新附於舊石附於土城端以磚兼覆土石集而壘之引而續之高凡一丈九尺闊凡一丈有奇周圍凡四里凡四越月而城成凡城之費皆出胡子規畫是役也板幹之平畚築之

備土物有程功自有素戒事以時而民不苦勞致用
有經而費不及衆艾獵城沂不過焉且胡子之經略
塞徼也法以伏奸恩以起窮誠以照獄正以養士一
以堅約介以自束夫伏奸威也起窮惠也照獄明也
養士義也堅約信也自束廉也六者具而憲度舉矣
故茲城之成之也無難焉胡子之言曰展采在志集
事在才不以難自阻者志也不以劇自擾者才也元
有志而才城也元功也是胡子之讓美也訓遵上官
元介諸生劉艮走漢嘉謁記於磐磐舊業記事嘗聞

春秋之義於父師春秋之義凡城雖時且義亦書重
民力也是城也安可無記記之而海棠城之成於徐
君銳暨高輔者別自爲記

直陳建南地勢以便防禦

鄧思啓

竊謂歷建南者然後可以談建南亦必備知今日建
南之情形者然後可以治建南殆未可以耳談也以
蜀邊而論如松潘與番隔河爲界又苦寒不宜屯種
故城堡之外並無漢人村落是以營屯一固事體歸
一亦便防守也至遵義先年播州之役已改設郡縣

盡爲編戶至於善後又爲加派兵餉一十三萬經十年而始減故其力完而守易也乃建南然乎哉彼建彝負固一隅蠻煙瘴癘自大渡河起至金沙江止一千五百六十里皆危坡峻嶺而五衛八所各據要領又皆與西番東徠百十餘寨掣肘爲鄰我漢人所藉以往來者止有一線鳥道迴繞屈曲殆三千餘里以三千餘里之鳥道經百十寨彝之隘口雖有營堡稀若晨星豈能保無疎虞比其無月無日無時無刻而皆當爲防五衛八所每歲額辦屯糧五萬餘石村屯

星散旣不能如松潘之歸一兼以前歲大舉比之遵義兵不滿四萬限不過五月元兇雖已授首逋酋豈能盡殲伏莽假息尚繁有徒職以不才謬承善後之責日擊藩庫如洗籌兵措餉千難萬難所幸五年以來仰遵憲令寨酋靡不聽撫拮据業有次第卽如邇君土官安崇業爲醉忿自刎中外駭傳咸謂各寨無統先年安世隆之變必且復見於今日乃以在在有備在在戒嚴各彝卽欲乘釁爲亂而終不可得且近奉本院批勘繼立土婦之事原據監理並副總闕司

各衙門會同四把事召集各火頭保勘在案又該職遵行覆勘院檄一傳四十八寨馬火頭喇咱脚故阿咱普馬沙罵什卜革革沈渣已卜罵魁期江西脚戈氣拍落烏脚戈幸駕五列厄拍卜得阿友故拍者脚胯坡咱脚說脚散阿水說果已架脚烏咱暮等各率部落叩首轅門願保瞿氏聽受約束又據監理總閫復令建昌衛掌印指揮王國揚等押發於教場仍命截皮歃血各立木刻以後如有奸彝潛出願聽軍令協擒獻功此衆耳目共聞者職竊謂五年如此而

後日之建南可知也故夫千里烏道防守最艱此天之所以限建南也其地勢然也餉額一定兵食兩足無事可以屯耕有事足以防禦國威旣振邊氛自消是職等遵奉憲令所恃以守建南也

乞查邊額以壯藩籬

前人

建南係全蜀藩籬查蜀志唐天寶以來南詔歲爲邊患大曆十四年十月南詔令吐蕃帥一十萬三路入寇而一路自黎雅邛峽關陷諸郡邑太和三年復陷邛崃逼成都劫玉帛子女以去咸通十一年冬蠻賊

古今圖書集成
圍成都矢石如雨蜀地大震十四年又入寇造浮橋
濟大渡河至新津而還明年始修復邛關大渡河諸
城柵內地稍戢至宋藝祖以玉斧畫大渡河而邊患
遂與宋祚相終始則建南今日卽議善後亦爲全蜀
豈爲建南乎昔太祖統一海內旋定西蜀改建南爲
五衛并添設續裁前衛共六衛原指揮八十五員千
戶鎮撫七百六十八員此官額也衛所城操並撥守
屯堡兵共官軍五萬八千餘名此軍額也本邊軍餉
惟是建會二衛僅取足於本地屯糧至寧鹽越三衛

並冕山鎮西二打沖四千戶所官軍三萬一千五百
零八名俱六箇月取給於內州縣民糧據先署監理
同知赫奕譚天相冊報每歲額請內地協濟糧米一
十三萬四千九百九十五石零五升銀一千八百五
十兩以越嶲論每米一石折銀八錢以鹽井論每米
一石折銀九錢卽今三衛四所每歲六箇月尚仰給
於藩庫可攷也此餉額也以國家戡定之餘威先年
本邊全勝之物力故五衛八所之長皆足以敵蠻勢
而制其死命豈非坐收勝算哉二百年來邊備日弛

蠻害日慘官軍日耗屯堡日虛迄今查五衛八所指
揮千百戶鎮撫止一百四十三員矣衛所各軍逋亡
殆盡今止倖存五千二百四十九名矣當事者不爲
設法勾補以爲本邊籌桑土之計且舉本邊協濟額
糧陸續盡移於松潘等邊以博節省之名彼百十寨
彝更何所憚而安得不貽頻年之劫殺乎顧久移之
餉無望再復而當全蜀連歲兵燹之擾閭閻之困已
極又豈堪派累茲幸善後以來仰遵憲令又仗藩臬
同心百計措處一留原題建南合營操標兵歲額餉

二萬三千二百一十二兩一督令五衛官軍開墾積
年荒屯歲抵餉銀一萬二千四百二十五兩零督令
營堡日兵開墾一帶荒地收租歲抵餉銀三千八百
三十二兩零清理歷年各衛民糧餘剩脚價等項歲
抵餉銀二千六百六兩零以上共留兵四千六百八
十名歲該餉銀四萬一千九百七十七兩零並舊防
兵四千二百零四名歲額餉銀三萬八千三百一十
五兩零歲共八萬零二百九十二兩有奇合之五衛
八所見在城操官軍五千二百四十九名總共軍兵

一萬四千一百三十三名比之當日額軍五萬八千餘名尚不及十分之三查自大渡河起至金沙江止計修舊營五十六處增新營七十七處共一百三十三營堡皆經本道冒瘴涉險相度形勢緩急定爲額兵以扼各塞之吭今幸五年於茲三千餘里在在有備在在皆有額餉似亦可爲善後之一助然非藉憲示難以垂久也

沿邊險隘宜修以保金湯

前人

夫王公設險以守其國內地且然矧以歷年劫殺建

邊乎本邊建會鹽寧越五衛並禮州冕山鎮西等城皆頗堅固此後時時修葺儘足防守又建昌爲五衛腹心歲苦涼山諸寨爲患今從父老之請已奉兩院批允爲築一大石城設有額兵且耕且守皆云此建昌百世之金湯也惟德昌與建鹽二打冲此三城者創自國初皆四面鄰邊倒塌日久急宜修築至於鹽之河西建之瀘沽鐵廠松林越窩之南關桐站此皆軍民輳集之地四面鄰彝之衝卽今隘口皆有營堡目前可無他慮而數年之後亦當漸爲各築一石城

古今圖書集成
或量爲築一土城庶城堡一築番僕不敢以生心而烟火聯絡守望皆可以相助况查一切工築銀兩本道歷年皆有積剩不煩派之民間者第甫定之邊瘡未滿未敢據興大工以聽後道另詳此亦建南久安長策也

通彝法禁宜嚴以杜邊釁

前人

夫本邊所恃以安民禦蠻而長保救謐者獨恃有國法耳顧通彝之禁不啻三令五申奈本邊軍民狃於粗安有乘彝市而恐嚇以討人命錢者有私投於蠻

而從中播弄者有潛販違禁者有賴騙蠻債激蠻之怒至綁擄人口以代償者有蠻債不還而反誣報爲搶掠者有收留蠻口爲奴婢者有衙棍指稱激成蠻患者故彝市不嚴則貿易卽爲劫殺矣播弄不繩以重法則奸宄悉爲牙爪矣私販違禁不設法擒捕則控制不得擅長技矣蠻債不爲切禁則揭借卽爲綁擄之媒蠻奴蠻婢不禁則閨閫卽爲誨盜之門矣指稱不爲窮治則七十二屯之焚劫且復起於衙棍矣國法具在邊例尤嚴非獨苛於邊也要令人不敢犯

古今圖書集成
故長保救寧也茲節奉明文舉行鄉約編立保甲若不嚴連坐之法誰復肯爲官家任怨者故十家爲一甲十甲爲一保不論尊卑長幼並所歇客商盡書名於一牌所營之事所歇之客所往之處保正一月一報冊於官有犯不首者十家連坐而犯應遣戍者必延綏極邊等衛南人北去與大辟等耳軍卽僉十家之中最殷實者爲解子其餘幫貼盤費以一軍而累十家則十家懼矣十家又以富戶爲首解則富者自愛懼矣此亦牽制奸民之一策也

土官乘機宜議以救邊民

前人

夫邊職之漢彝並設也實番蠻雜處非兼土司不能聯屬也查先年寧番土酋怕兀他從月魯帖木兒爲亂太祖特命總兵徐凱征討遂廢土改衛止將環居西番編爲四圖聽我羈縻會川鹽井雖設土職火頭然皆各有分土不甚桀驁越嶲邛部土官嶺柏應自嶺鳳起構難移之柏香坪今可無慮獨建昌安土官雖有總轄之名號原無一定之寨分先年舊居衛城萬曆丙戌每夜出城劫村甚者左右兩所官軍不堪

荼毒至有率眾攻城以討賊者丁亥周憲副光錡請於兩臺奏調土漢官兵勦伐始定雖將土官移居於城外之東街第去衛城不數步蠻丁出入終不能禁此所謂腹背之一大疽也查安氏世職以來安革安仁安彝安忠四世相承謂蠻酋多懾服嘉靖末忠妻鳳氏權攝夫職是以患成尾大鳳氏死疎屬安登冒嗣蠻心不服是以有廝養卒逆上之變安登死其妻瞿氏紹良更無能節制是以安文頻歲為叛至有臨城劫掠之慘瞿氏紹良死安世隆嗣而其妻沙愛以

踰城淫奔為安世隆所逐又為羣奴力怕等復煽諸蠻擁沙慶為主且與世隆相讎殺是以貽本邊不了之禍今安崇業又以遠枝承繼且性狡猾邇者奉旨鵬勦屢漏洩賣放及聞善後留兵益鞅鞅不樂每日垂頭喪氣如有所失此土酋不死建南之禍未息也茲幸天斬其嗣據建昌通學生員呈乞停土官之繼仍復先年責成四把事約束之例以絕禍本以救邊民第土嗣雖絕尚有土婦先年夫亡妻繼之規倘瞿氏不鑒覆轍則異日裔嗣已絕即不議繼可也矧四

古今圖書集成
把事原同土官管束部落者彼皆係籍蠻種熟知其情今其弟男子姪又多入泮屬我編氓儻四把事果堪約束亦可以代土官之責更爲駕馭之便卽不必議繼可也儻謂國制不可驟更以聽彼時臨期斟酌以俟後之君子可也近據瞿氏承繼屢奉本院厘念再三駁勘爲邊民籌久安之策此亦異日酌議土官之一大機會也

將領宜加激勵以便駕馭

前人

夫本邊環遶三千餘里倚將領爲長城而將領終歲

責成視勸懲爲勤怠道鎮以下各有責任所以獎翼其忠義而痛治其玩愒者惟恃有激揚大典耳顧邊警非歲糾叅則疎虞者無懲邊功非歲品敘則勤勞者無勸矧善後立法之始一次失事卽難逃於歲終之叅而一次停俸又將冀於來歲之復孰敢視爲傳舍而不爭相濯磨也者至本邊千總亦係邇者大征所選調於各邊或名色守備或加銜指揮等官此皆才略翹杰赴赴干城之望而鵬勦以來留守於本邊又皆各寨信服可戰可守之士頃蒙撫院憲牌內開

營堡提調等官如一季已終地方寧謐無有他失者
官兵議詳獎賞仍揭薦優擢等因通行在案又據行
都司掌印張大道呈稱浙江之沈有容以布衣竟躋
叅將唯防海獲薦得致顯位又周三陽陳邦憲二哨
官耳乃於四十四年內斬賊二級遂蒙兩院題薦人
思自奮瀚海晏然今建南營哨掇甲千總提調肅肅
免置靡不乘時思奮大之拔寨陷陣首奏掃蕩之捷
次之冒瘴涉險亦標擒斬之功獨無課殿之例遂不
入題敘之條雖竭蹶報効九死一生總之不過一千

總比耳一提調止耳似應比照閩廣浙直防海事例
有功無過者每遇歲終得與題敘不則嚴加究治夫
建南邊防緊處全在各寨總路隘口劄營扼險所責
成於千總提調者最爲得力唯有歲終一題乃可以
激發其志乞本院垂念甫定孤邊會同撫按院俯允
行都司所議得比閩廣浙直防海歲終之例彼聞進
身有路孰不効死力而壯邊聲是亦善後駕馭之一
策也

瘴癘宜加體恤以造邊福

前人

夫瘴癘之氣閩粵皆有之第未有如建南之瘴之慘者苟日擊於此地官民有不痛哭而流涕焉者是秦越吾民也自五衛八所罹患以來村無族黨之聯軍無擔石之蓄牆堵倒塌百里無烟又安望有世家巨族以實邊籍也乎顧所藉以保聚羈縻而爲之頭目者獨特有指揮千百戶等官耳奈頻年燒劫流亡十不存一儻再律以襲職之新限不過十年漸滅殆盡尚可爲邊乎夫衛軍之額猶可補也有衛無官誰爲領袖故今日建南襲職之限宜寬此亦撫恤瘴地指

揮千百戶等官之一策也軍額消磨亦十不存一今查本邊一切開荒清理等項皆已抵兵餉而鹽寧越內地之協濟亦已先年盡移松潘等邊矣不補豈可坐視其孑遺之盡竊計今日之畱兵也原爲缺軍而守也今日百計籌餉也原爲缺額而籌也彼軍戶之故絕者雖云一時難勾而今此見存軍戶豈無一家數丁者乎不可以就近抵補乎合無請乞此後新舊營堡防兵苟有一兵逃故卽許五衛八所各軍餘丁聽補仍許五衛八所各另造一冊備開某衛某所某

伍某總小旗部下某軍戶餘丁頂缺協守如無餘丁者亦聽別補則始之名募健兒以補缺軍之額今之聽軍餘丁以補兵缺而漸復缺伍之軍是軍不外勾而餉不加派十年生聚十年補充而八千八百八十四名之缺軍可計日而補也此亦撫恤瘴地邊軍之策也本邊自善後滇蜀之路大通商賈絡繹卽五衛耕屯趕脚之夫亦往來如織每一瘴發道殣相藉其最慘者曰大渡河曰金沙江曰甸沙關而甸沙關二三百里驛站甚長本道五載以來選募良醫爲開二

藥鋪於三鎮每歲三大藥鋪各給藥料銀二十兩共六十兩置造紫金丹萬靈丹等料存活者歲不下萬人亦卽取給於各營堡之逃故積剩銀兩可以不費官帑者此亦撫恤瘴地人民之一策也本道原駐雅州今奉題移建昌人臣致身爲國遑恤瘴險第恐異日新道家眷難於冒險查得黎雅公署原係建昌道錢糧起造此後新道遵題駐建但攜有家眷仍聽家眷住黎雅庶不以一官貽俯仰之累此亦瘴地家眷之宜議也

古今圖書集成
邊儲吃緊宜籌以實軍需

前人

夫國無九年之蓄曰不足無六年之蓄曰急無三年之蓄曰國非其國矧以不毛窮邊乎今連歲豐登而一解糧少遲卽不免枵腹倘歲值大稔本邊旣無所入而內地徵解又未必如期將聽營堡逃散乎若禁營堡逃散將使枵腹守隘乎西番東徠百十餘寨彼且乘時蜂起何以待之乎大征之舉可以再擾乎故邊儲不可不籌也查得本邊瘴癘之苦各營堡逃亡事故無月無之而逃故者又勢不能不爲急補乃免

於疎虞卽以此曠役之剩糧或扣其本色貯之建越兩倉或扣其折色聽鹽撫兩廳歲終會計報道轉詳兩院每歲以此存積量糴十分之一另項上倉登報循環以聽查盤以備兇荒而扣本色者皆追納淨穀或納糙米可以久貯而無虫蛀之患但不許止納春淨之米易生虫蛀且爲異日倉攢斗級得藉爲侵耗之名又蕩平以來五衛軍民亦有援例納吏聽其赴布政司告納給帖止令上穀於本邊寒苦地方如越嵩鎮西二倉不滿三五載亦可積穀無算以聽查盤

以備兇荒而何憂於水旱乎再查鑄錢之令所裨於軍需不少先年原任行都司臧京奮然力主其議祇為有司之初入仕途者未諳時務妄議停阻今查重慶等府皆已興工况建南產銅之邊與滇接境俱係產銅之地每次哨期皆為客商販之外省在在鼓鑄官民兩便而本邊獨不獲鼓鑄之利豈不深為可惜竊為今日善後計此法終不可罷也

邊地器械宜精以裨實用

前人

夫營堡而無兵甲與無營堡同兵甲而不堅利不練

習與無兵甲同昔在鼂錯蓋詳哉其言之矣而况乎建邊乎夫鳥銃佛朗機百子銃綿甲長鎗鐵鏹利弩鉛彈滾牌本邊之長技也矢石毒弩番猱之長技也我官兵之長技七番猱之長技三勝負既已分矣唯是善後以來籌兵措餉尙未暇圖今之鳥銃佛朗機百子銃五年之久半已朽蛀綿甲長鎗鐵鏹利弩鉛彈滾牌前次大征歲久漸耗每兵僅月口糧七錢二分餉口弗給豈能自備夫會川操練之兵皆經陳副總設法置造器械鮮明甲於各路而四將領亦以限

古今圖書集成
於力而尚未置造合無卽將本邊營堡逃故今後所積者每歲詳院量爲之備亦首務也

總鎮標兵宜撤以省議論

前人

蜀總鎮自隆慶辛未初駐於建武萬曆丙子題移於松潘彼時標兵二千五百名今尚現在松潘操練是也己亥楊應龍之變題移於遵義而松潘改爲副總矣自移總鎮於遵義又設標兵二千三百名壬子建南之變復題暫移越嶲事竣撤回而遵義亦暫改爲叅將矣方候總鎮之駐越嶲也查題疏原攜雜流四

百名中軍周一柱標下標兵二千三百并題添千總譚大孝等二千七百名共五千名移劄越嶲要隘聽總鎮合營操練此原題也萬曆四十二年三月十七日凱旋班師隨於九月渡瀘移出嘉定旣移嘉定而遺下家兵一千餘名並其中軍周一柱等標兵二千三百名雜流四百名尚皆團集於越嶲衛不毛之地職叨本邊監司之責安得不爲邊民請命具詳兩臺兩臺批行三司會議僉同隨將周一柱等標兵二千三百名撤回遵義矣時萬曆四十二年詳允也查本

道原詳亦第爲邊無大將請乞遵旨撤回遵義操練非爲撤回歸農也時緣遵義久寧又另設有參將官兵遂將此項撤回歸農矣越嶺軍民間之歡呼動地今五大汛地漏刃元兇次第殲鋤實荷同心此爲邊地造福不少雖近有標兵之議原非不得已蓋以總鎮爲全省大將而標營尤兵威攸關第建南善後十年之後勢必移之遵義則遵義參將所必裁也遵義參將標下操兵防兵皆其兵也抑或移之松潘則松潘副總兵所必裁也松潘副總兵標下操兵防兵皆其兵也顧曩者三司議撤標兵之詳職以萬不得已而不敢二議今者新鎮請增標兵之議職以萬不得已而不敢轉請今查藩司又照前議申院在案而要亦職力綿運蹇不能調停以貽同事之憂也

建昌五衛部紀事

總志宣帝黃龍中越嶲之南獻背明鳥形如鶴止不
向明巢常對北多肉少毛聲音百變聞鐘磬笙竽聲
則搖頭時人以爲吉祥
孝成帝時越嶲獻長鳴鷄卽下漏驗之晷刻無差長
鳴一食頃不絕長距善鬪

唐高宗永徽三年顯養東魯諸蠻與胡叢皆叛高宗
以右驍衛將軍曹繼叔爲嶺州道行軍總管戰斜山
拔十餘城斬首七百獲馬犛牛萬五千

元宗天寶間安祿山反閣羅鳳因之取雋州
懿宗咸通二年南詔陷雋州

咸通五年南詔回掠雋州以搖西南西川節度使蕭
鄴率屬蠻鬼主邀南詔大渡河敗之明年復來攻會
刺史喻士珍貪獍陰掠兩林東蠻口縛賣之以易蠻
金故開門降南詔盡殺戍卒而士珍遂臣於蠻

咸通十年酋龍自將督衆五萬侵雋州

明世宗嘉靖十五年建昌寧蕃地震有聲如雷地裂
陷四五尺

神宗萬曆三十八年四月二十八日越雋衛雨雹大
如鷄卵菽麥入土成泥

越雋衛西北六十里山半有洞寬敞可容數十人崖
半懸石一片長五尺闊四尺厚四寸擊之有聲名曰
瓊鐘明初龜壺道士修煉於此有詩留石壁云北倚
峩峩西閩峯雲間岐路去皆通冰消玉浪鳴幽谷夜
靜瓊鐘響太空嵐擁翠峯秋聳碧霞侵丹室曉舒紅
九篇真訣無人得誰識金懸太素宮

建昌五衛部雜錄
總志建昌產異鳥有二首名曰雙頭鳥
寧蕃產異獸名曰雪裏眠蓋狐貉之類也其皮可以
禦寒
建昌松潘俱出香猪小而肥肉頗香人冬醃以醃土
犬小而肥美羣遊稻田犬登樹而望如有捕者則先
鳴吠令眾犬奔逸去

建昌五衛部雜錄

總志建昌產異鳥有二首名曰雙頭鳥

寧蕃產異獸名曰雪裏眠蓋狐貉之類也其皮可以
禦寒

建昌松潘俱出香猪小而肥肉頗香人冬醃以醃土
犬小而肥美羣遊稻田犬登樹而望如有捕者則先
鳴吠令眾犬奔逸去

